

Ն.Ս.Օ. Տ.Տ. ԳԱՐԵԳԻՆ Բ
ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ
ՆԱԽԱԳԱՀԱԿԱՆ ԸՆՏՐՈՒԹՅՈՒՆՆԵՐԻ ՆԱԽՕՐԵՒՆ
ՀԱՅԱՍՏԱՆԻ ԱԶԳԱՅԻՆ ՀԵՌՈՒՍՏԱՏԵՍՈՒԹՅԱՐ
 (18 փետրվարի 2003 թ.)

Միրելի բարեպաշտ ժողովուրդ հայոց,

Բարձրյալի ողորմած կամքով և հայրենի երկրի բարեխնամ կարգաց համաձայն վաղն առավոտյան մասնակցելու ենք հայրենական մեր կյանքում կարևոր և նշանակալի իրադարձության՝ Հանրապետության նախագահի ընտրությանը:

Վաղը յուրաքանչյուրիս ազատ ընտրությամբ արտահայտվելու է համագգային մեր կամքը: Վաղը վերստին առիթն ունենք վկայելու մեր սերը Հայրենիքի հանդեպ, յուրաքանչյուրիս պատասխանատվությունը մեր այսօրվա, մեր պարտության ու գալիքի հանդեպ:

Ընտրությունների նախօրեին աղոթքով մեր հայացքները դեպի երկինք բարձրացնենք և հայցենք, որ Տիրոջ ճշմարտության Սուրբ Հոգին առաջնորդի մեզ, և մեր որոշումներն ու քայլերը շարունակեն ծառայել Հայաստանի նոր օրվան ու մեր ժողովրդի նոր կյանքին:

Միրելի բարեպաշտ հայորդիներ, ձեզ հետ ենք հավատով ու բարի սպասումով և Մայր Աթոռ Սուրբ Էջմիածնից բերում ենք ամենքիդ Հայրապետական Մեր օրհնությունը:

Իբրև շառավիղ երանաշնորհ 131 հոգեւույս Հայրապետների, ովքեր ապրեցին ու գործեցին մեր Հայրենիքը ազատ, շեն ու պայծառ քնանելու անձկությամբ, դիմում ենք ձեզ, սիրեցյալ ժողովուրդ հայոց, արժեցնենք ընտրությունների օրը մեր կյանքում, արժեցնենք արդարամբությամբ, խաղաղության ու եղբայրության սիրով՝ Աստծո և Հայրենիքի առջև մեր պարտքին խոնարհյալ: Տիրոջ ու Հայրենիքի առջև ամենքս ծնրադիր ենք, ամենքս շնորհապարտ:

Այս զգացումով վերստին աղոթք ենք բարձրացնում երկինք և նախագահական ընտրությանը մաղթում բարի և օրհնյալ ընթացք:

«Շնորհք, սէր և խաղաղութիւն Տեսնու մերոյ Յիսուսի Զրիստոսի եղիցին ընդ մեզ՝ ամենեւեւեան ամէն»: